

NO. SOALAN: 24

**PEMBERITAHUAN PERTANYAAN BAGI JAWAB LISAN
DEWAN RAKYAT**

PERTANYAAN : LISAN

**DARIPADA : TUAN MANIVANAN A/L GOWINDASAMY
[KAPAR]**

TARIKH : 6 NOVEMBER 2014

RUJUKAN : 7188

SOALAN:

Tuan Manivanan a/l Gowindasamy [Kapar] minta MENTERI DALAM NEGERI menyatakan :-

- (a) bilangan kes jenayah yang melibatkan pendatang asing (senaraikan mengikut negara) dan kadar peratusannya daripada jumlah kes jenayah di negara untuk sepanjang tahun 2012, 2013 dan sehingga 1 Oktober 2014, serta jenis jenayah yang dilakukan; dan
- (b) bilangan warga luar negara yang dikesan dan/atau diambil tindakan akibat memasuki atau keluar dari negara ini dengan menggunakan pasport palsu; dan langkah â€“ langkah proaktif yang diambil oleh pihak imigresen bagi mencegah kejadian sedemikian.

JAWAPAN:

Tuan Yang di-Pertua.

Bagi menjawab soalan (a), pihak polis sentiasa memberi perhatian yang serius dalam membendung kegiatan jenayah yang melibatkan warga asing sama ada yang datang untuk melancong atau yang bekerja ke negara ini. Walaupun perangkaan jenayah yang dilakukan oleh warga asing ini masih lagi kecil jika dibandingkan keseluruhan jenayah Indeks bagi seluruh negara, jika tidak dikawal atau dibendung ianya boleh membawa kemudaratan kepada kesejahteraan dan keharmonian rakyat tempatan.

Statistik penglibatan warga asing yang terlibat dalam kes jenayah indeks bagi tahun 2012 sehingga 2014 (Ogos) di seluruh negara seperti berikut:-

KESALAHAN	(INDEKS)	TAHUN 2012	PERATUS TAHUN 2012 (W.ASING)	(INDEKS)	TAHUN 2013	PERATUS TAHUN 2013 (W.ASING)	(INDEKS)	JAN-OGOS	PERATUS 2014 (W.ASING)
	TAHUN 2012 (W.ASING)	PERATUS TAHUN 2013 (W.ASING)		JAN-OGOS 2014	2014		(W.ASING)		
JENAYAH KEKERASAN :									
BUNUH	602	66	11.0	627	216	34.4	338	167	49.4
ROGOL	2,964	52	1.8	2,718	145	5.3	1,525	138	9.0
SAMUN BERKAWAN BERS/API	110	34	30.9	98	160	163.3	59	108	183.1
SAMUN BERKAWAN TANPA BERS/API	16,738	333	2.0	16,647	1,694	10.2	9,226	1,008	10.9
SAMUN BERSENJATAPI	17	5	29.4	21	32	152.4	14	10	71.4
SAMUN TANPA S/API	3,275	156	4.8	3,565	676	19.0	2,170	377	17.4
MENCEDERAKAN	6,244	133	2.1	5,699	492	8.6	3,730	498	13.4
JUMLAH	29,950	779	2.6	29,375	3,415	11.6	17,062	2,306	13.5
JENAYAH HARTABENDA :									
CURI	24,299	257	1.1	21,405	1,576	7.4	13,005	1,871	14.4
CURI MOTOKAR	16,196	25	0.2	16,733	740	4.4	8,532	568	6.7
CURI MOTOSIKAL	51,259	149	0.3	49,133	2,257	4.6	28,450	1,252	4.4
CURI VAN/LORI/J'BERAT	4,526	5	0.1	4,981	75	1.5	2,727	78	2.9
CURI RAGUT	2,500	36	1.4	2,118	643	30.4	1,706	318	18.6
PECAH RUMAH DAN CURI	24,939	324	1.3	23,317	4,885	21.0	13,547	3,103	22.9
JUMLAH	123,719	796	0.6	117,687	10,176	8.6	67,967	7,190	10.6
JUMLAH JENAYAH INDEKS	153,669	1,575	1.0	147,062	13,591	9.2	85,029	9,496	11.2

Bagi menjawab soalan (b), bilangan warga luar negara yang dikesan dan diambil tindakan akibat memasuki atau keluar dari negara ini dengan menggunakan pasport palsu bagi tahun 2012 sehingga 2014 (berakhir Julai) adalah seperti berikut:-

- i) Pada tahun 2012 seramai 11 orang warga asing;
- ii) Pada tahun 2013 seramai 32 orang warga asing; dan
- iii) Pada tahun 2014 (sehingga bulan Julai) seramai 20 orang warga asing.

Daripada jumlah 63 orang warga asing yang ditangkap dalam tiga (3) tahun ini, warganegara Indonesia merupakan warga asing yang paling ramai ditangkap dengan jumlah 34 orang diikuti oleh warganegara Bangladesh 6 orang, warganegara Myanmar 3 orang, warganegara Republik Rakyat China 2 orang, warganegara Filipina 2 orang, warganegara India 2 orang dan warganegara Pakistan, Nigeria serta Australia masing-masing seorang.

Antara kesalahan-kesalahan di bawah Akta Pasport 1966 yang lazim dilakukan adalah seperti berikut :-

- (i) **Seksyen 12 (1)(a)** iaitu mempalsu, mengubah atau mencatat pasportnya atau dokumen perjalanan dalam negerinya atau sesuatu visa atau catatan dalamnya atau tanpa kuasa yang sah menggunakan atau cuba menggunakan atau ada dalam miliknya, sesuatu pasport atau dokumen perjalanan dalam negeri yang telah dipalsukan, diubah atau dicatatkan sedemikian;
- (ii) **Seksyen 12(1)(f)** iaitu tanpa kuasa yang sah di sisi undang-undang ada dalam miliknya sesuatu pasport atau dokumen perjalanan dalam negeri yang dikeluarkan untuk kegunaan seseorang yang lain daripada ia sendiri.

Jabatan Imigresen Malaysia telah merangka pelan dan tindakan yang antaranya adalah seperti berikut:-

- i) mewujudkan makmal pemeriksaan dokumen perjalanan di pintu-pintu masuk utama supaya rujukan segera boleh dibuat bagi mengesahkan sesuatu dokumen perjalanan yang dicurigai ketulenannya;
- ii) mewujudkan rangkaian pakar rujuk ("*subject matter experts*") yang boleh dihubungi sama ada dalam negara bagi rujukan Pasport Malaysia dan luar negara bagi rujukan pasport asing;
- iii) mengadakan kerjasama latihan dalam atau luar negara dengan pihak, dengan izin, *non-governmental organization* (NGO) seperti *International Organizations for Migrants (IOM)* dan pihak Imigresen luar negara bagi memahirkan pegawai Imigresen dalam mengenalpasti dokumen perjalanan dan penjenayah yang cuba memasuki negara ini;
- iv) mewujudkan Malaysian Immigration's Analysis Centre (MIAC) bagi pengumpulan dan penganalisan data serta penyebaran maklumat mengenai pergerakan warga asing dan kawasan-kawasan serta aktiviti-aktiviti yang menyalahgunakan kemudahan Imigresen;

- v) mengadakan perkongsian seperti maklumat terperinci kes-kes kehilangan dokumen perjalanan dan modus operandi sesuatu sindiket yang telah dikenalpasti;
- vi) Mengambil cap jari (biometrik) semua pekerja asing untuk rekod melalui program 6P supaya kemasukan kali kedua dapat di kesan dan juga untuk pendaftaran dalam rekod jenayah;
- vii) Membuat tapisan awal seperti memperketatkan pengeluaran VISA di luar negara;
- viii) Memastikan warga asing yang memasuki negara ini adalah tulen dan berkemampuan untuk menyara hidup semasa berada di Malaysia;
- ix) Menyemak senarai hitam berdasarkan nama pemegang pasport dan jika mereka pernah melakukan kesalahan di Malaysia, mereka akan dihantar pulang ke negara asal;

Jabatan Imigresen Malaysia akan terus mengambil langkah-langkah proaktif bagi memantau dan mengambil tindakan yang sewajarnya terhadap penglibatan warga asing yang cuba meloloskan diri masuk dan keluar negara ini.